

謹檢天文錄云、春秋緯云、地動、佞者執政、君子在野、小人在位、又曰、地動下謀上、張衡上書曰、地動震者、民擾、京房妖占曰、地春動歲不昌、天地瑞祥志云、二月地動、卅日有兵起、又云、月在冒宿、地動盜賊多、內論曰、月行冒宿者、水神所動、年不宜麥、天子凶、大臣受殃、天鏡經云、地動國有陰謀、皇后當之、史異占云、地震疾疫起、春秋曰、地動君主不安、鐘律災異曰、地動其國有喪、右地震占、謹以申聞、謹奏、

永萬二年二月六日

業俊
泰親

謹奏 變異等事

一今月十日甲申丑時地震有音、月在鬼宿

謹檢天地瑞祥志云、二月地動、卅日有兵起、又云、月在鬼宿、地動、軍師諸王皆已滅、又災雹傷苗稼、又云、月在鬼宿、金翅鳥所動、无雨、江河枯竭、年不宜麥、天子凶、大臣受殃、京房易妖占云、地動、教令從臣下出、必流血飢、又云、地動朝廷邑有亂、臣張衡上書曰、地動民擾、董仲舒云、地動天下疾疫、君王不安、天文決要云、地震、四海有兵、京房云、地震有音、人民流亡、女官有憂、天鏡經云、地震、天子惡之、女官有喪、又云、國有陰謀、皇后當之、又云、天下有大喪、天地災記云、地震、宮室有驚、不出一年、國有喪、略中

右地震并薄蝕占勘錄如件、口近日以降、天變地動、災咎不輕、就中占文之所指、多是皇后大臣之慎也、或又人君皇子當之、其外今年太一在死門下、國家可慎御之象也、夫妖不勝德、仁能却災、宋景守心之變、殷丁雖耳之妖、以仁却之、循德御示也、前聞在斯、尤可因循、仍謹以申聞、謹奏、

永萬二年二月十五日

從五位上行天文博士安倍朝臣
從四位上行大舍人頭兼陰陽助安倍朝臣

〔玉海〕安元三年○治承元年十一月廿八日癸亥、大夫史隆職、注奏大地震卜形、昨日被下云々、去七日御卜